

Penasihat Akademik Pelajar PPT

Disediakan oleh: Ainnie Rahayu Abdullah, & Suhaiza Hasan

Untuk sesi akademik Oktober 2021 – Februari 2022, seramai 10 orang pensyarah JSG telah dilantik sebagai penasihat akademik para pelajar Program Pra Pendidikan Tinggi (PPT), UiTM Cawangan Pulau Pinang. Mereka adalah Puan Suhaiza Hasan, Dr. Mohd. Muzafa Jumidali, Dr. Azrinawati Md. Zin, Dr. Ainorkhilah Mahmood, Encik Sharaf Ahmad, Encik Mohd. Haris Ridzuan Oii Abdullah, Puan Wan Zarina Wan Kamaruddin, Puan Nurul Izza Husin, Encik Mohd. Bukhari Md. Yunus dan Cik Siti Azlina Rosli.

Justeru, pada 7 Oktober 2021 yang lalu, satu sesi perjumpaan penasihat akademik JSG bersama pelajar PPT telah diadakan secara maya. Perjumpaan ini telah diadakan secara atas talian oleh penasihat akademik masing-masing menggunakan platform seperti Google Meet, Microsoft Team dan lain-lain. Tujuan perjumpaan adalah untuk memperkenalkan para penasihat akademik kepada pelajar disamping memupuk hubungan baik sesama mereka. Selain itu, tugas dan tanggungjawab penasihat akademik juga dimaklumkan di sini. Antara peranan utama penasihat akademik adalah untuk memantau perjalanan serta prestasi akademik pelajar dari mula pengajian mereka sehingga bergraduasi. Memandangkan program PPT dijalankan hanya satu semester, adalah penting untuk pelajar berhubung rapat dengan penasihat akademik bagi memastikan mereka dapat menempatkan diri dengan cemerlang ke program penerapan Diploma selanjutnya.

Perjumpaan ini didapati telah memberikan maklumbalas positif dari pihak pelajar dan diharap memberi semangat dan motivasi kepada mereka untuk berusaha dengan gigih dalam menempuh pembelajaran yang dilaksanakan secara *Open and Distance Learning* (ODL) pada semester ini.



